



Pils juniors B entscheiva il campjunadi da primavera. FOTO HANS HUONDER

Il juniors astgan entscheiver

(fmr/hh) Il campjunadi da ballapei dalla primavera sa entscheiver – silmeins pils juniors. Tenor las directivas concernent Covid-19 astgan affons e giuvenils entochen l'annada 2001 far sport d'equipa era cun contact dil tgiarp. Auter ei quei per annadas pli veglias. Lezzas ston aunc spitgar e schebein ei dat insumma ina lubientscha persuerter questa primavera ei aunc tut auter che clar. Questa fin d'jamna parta l'equipa dils juniors B dalla Surselva el cam-

piunadi. A Cuera frunta la squadra dil trenader *Claudio Bundi* sin Teufen. Sco per tuttas autras equipas ein las preparativas era stadas pils Sursilvans stentusas. Pli che treis meins eis ei buca stau lubiu da trenar communablamein. Il dus davos onns ha la squadra dils juniors B dalla Surselva mussau ch'ella sa tener petg allas autras equipas dalla medema vegliadetgna dalla Svizra orientala.

➤ PAGINA 5

Entschatta silmeins pils juniors

Il campjunadi da ballapei regional parta ella stagiun da primavera

Hans Huonder/FMR

Aschilunsch ch'ei dat buca novas restricziuns san ils juniors absolver tenor plan la runda da primavera dil campinadi da ballapei. Auter ei quei per las ligias dils activs dils umens e las damas. Cura ch'el(la)s partan el campinadi ei aunc incert. Per affons e giuvenils entochen l'annada 2001 valan dapresent neginas restricziuns en lur activitad da sport. Els astgan sulettamein buca exequir lur concorrenzas e trenaments avon publicum. Auter ei quei per annadas pli veglias. Activitads da sport el liber senza contact dil tgierp ein lubidas en indrezs da sport necessaris persuerter per gruppas d'entochen 15 persunas e cun risguard dalla distanza da 1,5 meters ni cun purtar maschina. Damai ch'igl ei buca pusseivel d'impedir il contact dil tgierp tier sports d'equipa sco ballapei, hockey sin glatsch ni era ballareit, ein quels buca lubi il mument. Trenaments singuls ein pusseivels ni era trenaments da tecnica senza contact dil tgierp. L'excepziun fa sulettamein il sport professional. Da quellas restricziuns ein era las ligias da ballapei regionalas pertuccadas.

Co vinavon?

Sco quei che l'Uniun da ballapei dalla Svizra orientala scriva en sia davosa comunicaziun ufficiala concernent la problematica da Covid-19, ha la suprastanza priu differents conclus pertuccont il campinadi dils activs da questa primavera. La finamira ei da terminar la prerunda entochen ils 4 da fenadur 2021. En cass ch'ei dat suenter la prerunda aunc termins vegnan las gruppas partidas en duas parts. En quella dils megliers vegn dau per la promoziun, en l'autra per la relegaziun. Ella 2. e 3. ligia eis ei lu era pusseivel ch'ei vegn dau rundas cumpleinas la mesjamna. Talas rundas cumpleinas ein buca previdas ella 4. e la 5. ligia. Giugs che san buca vegnir dai entochen ils 4 da fenadur 2021 vegnan valetai cun nul puncts e nul gols per omisduas equipas. Il scenari da promoziun e relegaziun per la fin dalla stagiun corrispunda allas modalitads vertentas dall'Uniun da ballapei dalla Svizra orientala.

Partenza pils juniors

Questa fin d'jamna entscheiva il campinadi per la squadra sursilvana dils juniors B che separticipescha alla «Juniors League». Igl ei la pli aulta ligia regionala dils juniors ella Svizra orientala. Per las autras equipas da juniors entscheiva il campinadi las proximas jamnas. Sco per las autras equipas ha era quella dils juniors B buca giu cundiziuns optimalas questa primavera per sepreparar pil campinadi. «Nus havein bein dau entgins giugs da preparaziun, mo ils trenaments necessaris per esser preparai bein han muncau», di il trenader *Claudio Bundi*. Ditg han era ils juniors buca astgau trenar comunablamein sco equipa e leutier ei relaziuns d'unviern entochen ussa vegnidas. Aschia eis ei praticamein stau pusseivel da trenar sulettamein sin plazzas artificialas. Per la partenza cugl εμπrem giug encunter Teufen ei l'equipa da Claudio Bundi pli u meins semtgada: «Entgins giugadurs ein buca pli dalla partida ni blessai. Ils giugs da preparaziun ein reussi pli u meins bein, aschia che nus essan optimists.» La gruppa dumbra questa primavera dudisch equipas. Teufen – igl adversari da questa fin d'jamna – ei staus rangaus igl atun claramain davos ils Sursilvans.

Brühl – Uzwil-Henau so. 10.00

Surselva – Teufen Cuera, so. 12.00

Rorschach – Cuera 97 so. 13.00

Winkeln – Rheintal so. 14.30

Romanshorn – Gossau du. 12.00